

529 Vrouwe, daz ist sîn râche ûf mich.«  
 si sprach: »sich twirhet sîn gerich.  
 ich enwirde iu lîhte nimmer holt,  
 doch enpfâhet er drumbe alsolhen solt,  
 5 ê er scheide von mîme lande,  
 des er jehen mac vûr schande.  
 Sît ez der kûnec dort niht rach  
 al daz der vrouwen dâ geschach,  
 unt ez sich hât an mich gezogt,  
 10 ich bin nû iwer bêder vogt  
 unt enweiz doch, wer ir beidiu sît.  
 er muoz dar umbe enpfâhen strît,  
 durch die vrouwen eine  
 unt durch iuch harte kleine.  
 15 man sol unvuoge rechen  
 mit slahen und mit stechen.«  
 Gawan zuo dem pferde gienc,  
 mit lîthem sprunge erz doch gevienc.  
 dâ was der knappe komen nâch,  
 20 ze dem diu vrouwe heidensch sprach  
 al daz si wider ûf enbôt.  
 nû nâhet ouch Gawans nôt.  
 Malcreatiure ze vuoz vuor dan.  
 dô gesach ouch mîn hêr Gawan  
 25 des hêrren runzît;  
 daz was ze kranc ûf einen strît.  
 ez hete der knappe dort genomen,  
 ê er von der halden wære komen,  
 einem vilâne.  
 30 dô geschach ez Gawane

dr. solchen s., \*G (ohne Z) (\*T)

n. r., \*T

daz ([A\*]: Aldo V Da O) ez der juncvrouwen g., \*T

sît ez \*G (nur GI)

doch muoz er drumbe e. st. (leit O), \*T

d. die juncvrouwe (ivncrouwe T) e. \*T

man sol ungevuoge r. \*G (nur GI) (U)

mit lîthen springen (sprvnge G) erz d. (om. \*T I) g. \*G (ohne Z) (\*T) (I)

diu juncvrouwe h. \*T (nur T)

nû nâhent \*G (ohne L) dô nâhet \*T

dô (Doch V) besach (sach O gesach L) mîn \*T (L)

des junchêrren (ivncherre T) r.; \*G \*T

ê er vonme lande (von [\*]: der halde V) w. k., \*T

\*D: D \*m: m \*G: G I L Z \*T: T U V O

1 Initiale D G I L Z O · Majuskel T 2 Majuskel T 7 Majuskel D 17 Majuskel T 23 Initiale I T U V 30 Initiale T

4 alsolchen] solichen \*m 7 sît ez der kûnic dort niht rach. \*m 8 aldâ ez der vrouwen geschach, \*m 15 unvuoge] sîn unvuoge \*m 22 nû nâhet ouch Gawanen nôt. \*m 23 vuor] schiet \*m 24 gesach ouch] besach (beschah m) \*m 25 des junchêrren runzît; \*m 26 daz] das D